

岱海堂文集

初編  
自一至二

16  
1014  
1



門八和16  
第1014  
卷

市島肅文敬季著

# 岱海堂文集

初編

平安書肆

瑤芳堂發兌



岱海集序



明治廿九年九月廿日  
中集 蘇 氏寄贈

傳曰文以載道其德郁之虜盛也哉。蓋夫郁之虜載道者六經是也。其文經緯天地。其它傳記子史皆以文為道。與此乃人之文也。文之為德也。郁之虜盛也哉。

夫三光垂象者天之文也。百物  
藉形者地之文也。人能聽兩甄  
參。謂之三才一文。不亦然乎。迺  
今海內文明之化。如日之昇。光  
被四表。於是北越寒鄉。亦有  
若英。後市島。敬季。能泛事於

茲文。惟精惟一。允執其中。其文  
吐甘泉之鳳。其詩生青蓮之  
華。五才特達。情文兼長。其手不  
輟毫。其宏辭。歷句。積成數編。  
其姪大美。輯校成初編。將以鐫  
之。呈之於余。以悅其盛事。遂

臚余蘊以為之序。昔寬政己未七月初浣。

東郭大武元良撰



岱海堂文集初編目錄

卷之一

風雅二首一首

擬四愁詩一首十首

五言古詩十六首首

卷七言古詩十八首

卷之二

五言律詩五十三首

五言排律十五首

卷之三

七言律詩九十五首

七言排律二首

卷之四

五言絕句六十三首

七言絕句五十七首

三五七言一首

卷之五

國朝三都賦

目錄

卷之六

祭文一首

誄一首

頌三首

銘一首

卷說一首

引一首

卷序八首

卷之七

卷記八首

卷之八首

紀事四首

卷之九

傳五首

卷之十

書牘二十一首

祭文一首

岱海堂文集初編目錄

岱海堂文集初編卷之一

越后 市島肅文敬季著

姪 處德大美輯校

風雅二首

南山產業 有序

不肖肅文生十有八年而家嚴逝矣三十年而家慈逝矣事家嚴之日淺且癡弗能唯而奉教焉事家慈雖年稍長不幸疾疢罔寧歲是故無聊弗能慰慈顏然仲氏武啟膏肓不治矣家慈

不禁悽愴，亡幾尋逝也。悲慘豈可謂哉！伯氏淚數行下，曰：武啟無胤子，爾肅文宜尸其祀而已矣。嗚呼！僕獨何人，雖富於春秋，雖榮於華鄂，末小弟而莫日于孝養，盡其力，况癡以勞家，嚴疾以苦家，慈役仲氏亦未嘗有致悌于仲氏也。何以攄意焉？爰後園椿萱終焉之亭，前廬仲氏修產業而肅文受命之處，顛沛是懼，謹作為風雅二首，以感憤悲泣，胡為庶于盡其懷。

南山有亭，先考在此樂，只琴書肥遯，隱此。

南山有亭，先人在此樂，只圍棋眉壽舒，此亭有樓，在遊仙題之樂，只父母伯仲安之，亭有樓，在遊仙顏之樂，只父母彩衣舞之。

南山有亭四章章四句

維此生產業仲氏，不寧居日月，何懈恐後嗣，踈維此產業仲氏，勞焉豈不夙夜于市于鄆，謂行無悔，箕裘幸全。

產業二章章四句一章章六句

擬四愁詩

有序

昔者張衡爲四愁思以道術相報貽於時君是爲天下漸弊鬱鬱不得志發焉故議擬楚騷以盼是非讀者未嘗不撫膺感歎余私竊憐焉若乃昇平離久而宥坐盈虛儉侈暴浩亦有職之愁也夫余擬之者苟風未萌猶螳垤之補大陵耳雖盡其衆何力之有雖縱橫其說有誰聽猶釋子之云爲於市耳其辭曰

一思曰我所思兮在五雲欲往從之煙雨紛拄杖東望空霑裙美人贈我金屈卮何以報之珊瑚枝路杳

無致倚衰遲何爲懷憂足逶迤

二思曰我所思兮在昆明欲往從之石鯨橫擁棹南望汗濕纓美人贈我紅芙蓉何以報之比目魚波高無致倚鬱如何爲懷憂獨躊躇

三思曰我所思兮在高岑欲往從之夕陽沈躡屐西望且悲吟美人贈我紫貂裘何以報之白玉旒阪險無致倚沾眸何爲懷憂身綢繆

四思曰我所思兮在斗下欲往從之雨雪灑褰帽北望淚盈把美人贈我宮錦袍何以報之金錯刀道艱



無致倚露毫何為懷憂心煩勞

五言古

感遇

人生雖貴賤供養亾幾何劬勞易哀慟于今悔轉多  
林看烏子集野遭牛犢過禽獸尚相慕日受舐與哺  
奈謂堂堂人豈可比毛羽製衣耐寒溫營宮堪雨露  
孤悅高其門駟蓋滿其路夙夜千載憂不苟晷刻遊  
孰識瓜田德悉成玉辭酌

子夜吳歌

章臺如玉女秦箏寄客歌曲裡悲不耐自是一風波  
同心不相見賤命若家何

江南曲

敲撓吳江上不是為清談遠空錦帆穢半流玉蛟駭  
江南佳麗府沃野并齊魯駐馬相土風虞屋列鐘鼓  
豔娃學二喬羅綺亦何妖塵暗擊車轂花明起歌謠  
徙倚金陵下王氣良難消

腰扇

新製美濃帟屈伸愜行藏仁風出掌握禮容措衣裳

炎熱雖代謝，不離君子儻。良宴擊歌節，朝會書遺忘。  
可憐班姬扇，盛寵奪秋涼。

題寧樂破箏

修寧樂，破箏晝夜拂蚊蠅。遺風慕懷袖，依然慰鬱蒸。  
新裁自有惜舊物，豈可憑含垢。似月桂，秋來未失竅。  
為傳世上人，勿愁弃伉儷。

嵯峨

平安行樂地，行樂入嵯峨。窈窕林巒邃，翩翩羽族多。  
月橋低兩岬，嵐山帶曲河。俄爾投掖網，悠悠竹槎過。

不識絲栖主，排門繙薜蘿。一飲行厨盡，容與互吃茶。  
寒蟬斷復響，長嘯且高歌。雖伴都人士，數問路如何。

桶峽

曾驅駿遠，眾欲斃鹿中原。十倍新羈，銳驕躁轉奪魂。  
連城如席卷，殺氣暗然屯。誰知銜枚帥，俄爾突轅門。  
將佐相離絕，風雨迫黃昏。忽失萬全勢，渠魁授其元。  
歎息無備預，狼藉幕中樽。

五日

還至天中，節渡頭相提挈。千年三閭忠，此使人嗚咽。

何為開芬芳，妃女戲閨房。菖蒲葉正綠，衆花素其香。  
儻採九畹裏，滿宮不可當。

七月有感

早晚秋涼至，單衣或不堪。病軀等閒老，日暮行徒慙。  
深籬草花穰，揉樹菓柯狂。雲影襲旻天，寒蟬嘹唳響。  
造物有所期，感慨且俯仰。少少慕太華，胡為止莽蒼。  
君子不遇時，千古幾衰遲。一世雖無許，立言豈更疑。

烟管

金族諸毛外，頻年冒管城。堅哉真鑰固，且有狼煙營。

腰間何所備，緩急當短兵。坐右資籌畫，遠圖彷彿生。  
若出漢高世，應遭寵良平。飢人依爾慰，醉客或解醒。  
只恨氛氲紊，縲寡孤獨情。

咏玉簪

曾廢頽垣下，玉簪不得開。蔓草相凌雜，蛇虺此徘徊。  
莖折狗出竇，葉破蛙避雷。新館既經營，築庭足廣袤。  
種樹橐駝傳，玉簪遷石右。雨密根全生，日暖花頻秀。  
居處亦時哉，榮辱阻新舊。况是懷璞人，勿歎歛沾袖。  
丁巳曠月浦士粟贈其正畫竹一軸，卽欣然賦。

墨畫尋常竹，遠從淇澳來。士粟愛吾贈，謂此其正才。  
弱冠工詩賦，藻志丹青開。清節柔枝發，空心密葉催。  
子猷雪不出，坐卧獨徘徊。

白梅花

微微花若霰，早春先得開。欲折花欲散，百步後園梅。  
請君必往見，不肯奴婢摧。凝香可就賞，芬乎亦佳哉。  
不知隱君子，分明手自栽。

姬人怨服散

鬱鬱離宮草，岑岑上桂林。桂人世有餘，悲孰不學千載。

粉黛委塵飛，丹石入齋閉。瑤池留穆王，華昏迎黃帝。  
寂寞復道中，何日復奉契。

後出塞

廟堂決天策，幕府分軍兵。虎竹臨關合，朔氣埭北晴。  
揮鞭指水草，褊裨各列營。風驕暗沙漠，怒號激邊聲。  
夜寒懸孤月，陰山曷崢嶸。五更鳴鼓角，甲札含霜平。  
單于知衛霍，勿謾近長城。

為浪華尾藤憲夫壽家翁七袞兼簡東都藍田先生

誰道名都會俠骨滿狹斜憲夫遊東武好事屬揚家  
况為椿府壽乞賀什天涯三越僻遠地北鄙何可誇  
海深層層氣山險夥丹沙大麓千年樹巨浸八月槎  
槎上動奇志願致諸浪華不知似個語豈繫君齒牙

七言古

三本櫻 有序

下条北郊有古碑鐫三本櫻三字不識何故樹  
之耆老曰吾為兒童碑邊有古櫻三株三二月  
交發花稍稍結實地亦高敞因為兒戲之場洎

近世耘夫厭其蔭伐之獲其價以樹碑又曰吾  
聽諸父母古勝國此地草莽無人於以一貴族  
來而處焉為邑之鼻祖已而有故自殺櫻其墓  
樹也然亾子孫在姓名與俱湮沒一邑咸不知  
厥何世焉也源歟平歟將郡縣歟吁有誰弔者  
寬政九年邑民以連年不登故修墓碑荒廢而  
辨香燭祭之歲尋稔矣靈哉尚為民之倚望當  
皆朴素而墓樹已厥古可知焉余異之而序之  
賦古體詩一篇

年歷不識何王時，遺迹纔存一片碑。  
道是下余草昧主，當年民望有生祠。  
姓名湮沒不得聽，風雨蕭蕭泥濘深。  
三本櫻樹已爲薪，可憐古冢削野徑。

陽春有感

代序忽忽春復春，塊塊寰中奈此身。  
京洛車馬趨春謁，邨落羈生二毛新。  
故人詠柳歸何處，舍前烏雀空伴侶。  
神氣駕夢入青雲，秉規秉矩稱盛舉。  
盛舉元自無吐食，心摸山甫任政事。  
四維日日進升平，貴戚權門漸相訾。  
無那佞奸荼毒催，行路崎嶇忽艱哉。  
血淚

膏汗夢始覺，草堂自悅對鶯梅。

浪華俠場行

生涯遊俠浪華裡，意氣傑若何處是。  
百仇報人身尚存，千金結客如燕市。  
門前裘馬日聯翩，春半使酒歌畫船。  
豈憶劉郎極人位，呼盧令人自言天。  
誰知豐王布衣態，俠黠大都過我輩。  
世人碌碌守黃金，知遊俠場人不悔。

賀茂競馬行

賀茂宮前五日，觀競馬埒成簇。  
冕冠緹衣不辨朱鬣

馬猛氣騰驤，首著盤萬人，喧嘩蕩馬性，磬控傑然操。  
鞭柄緇裝駢立，鐵連錢一驅掣，雷長相競，王公貴權。  
握幕立，任豪俠兒，攘臂集高檣，遙植金鼓，轂前騎忽。  
焉向曹入，兩曹把筆決雌雄，羸御下馬拜神宮，何處。  
五絲能續命，輸騎慘愴，遁林叢，衆馬奮怒，意不平，蹈。  
跼砂礫，紅塵生，玉鞭陶陶，良父御金轡，鏘鏘騏驎行。  
此日甲第擢佳士，明朝黜陟誰尤是，縱老驥出冀北，  
羣豈謂日暮道遠矣。

雞卵

探出雞埒，不待雛，形容宛轉恰如珠，道是殼裏認天。  
地破卵混沌，竟有無黃白，全存釜中，物東西南北盈。  
虛殊一線斜觸，分日月玲瓏，潔色生壺窟，執之吳客。  
更無爲千年爭識，防風骨。

湖中鯽魚詠

湖產鯽魚大如履，湖上飛鳧非是相逢，波際何所。  
娛漁獵旦夕，遞相倚，一身微亦烏得安，萬頃雖濶不。  
足恃，繡羽錦鱗羅網羅，霰膏冰肉殮，其美高官大祿。  
真美哉，威權竝馳，若風雷，君不見秦之相國或被戮。

辱或自裁

豫州行

源典廐亾京未平失世常盤懷孤行購獲相國威福  
坐相國熟視不勝情母子無恙豺狼窟誰知三千第  
一名曾擬昭君漢宮賜芙蓉含露多少淚撫膺愀然  
翠蛾顰美色由來妬婦詈深山大澤產龍蛇就中義  
經有大志初學叡山唯論兵僧正谷裡擊劍戲遂從  
鬼一上其堂鬼一之女慙慙意虎卷竊投陰符書邀  
遊往往試將帥夜夜獨步五條橋何等忿怒俠氣驕

此服辨慶魚得水遙下關東謁賴朝兄弟泫然涕如  
雨風雲一會別恨消諸平弄權天威激義仲討暴暴  
亦僻信人矧是沐猴冠朝廷惴惴跋扈感傳詔千里  
到鎌倉幕府貌貅誰能敵直使二弟總大軍躍躍兔  
兔遇犬吠白旗移兵迫須磨赤幟辟壘憑崖嶷鐵拐  
暗襲廷尉畧挾帝航海何處過氣運翻落日扇的敗  
走湮沒西海波疾雷所震未掩耳百戰莫不奏凱歌  
功高一世親為弟何憶讒賊如之何非有管蔡流言  
罪要越不得誓江河同根相煎釜中豆寧忍輦轂動



千戈豹文空，惜南山霧鵬翼，不伸北溟路，彷彿君與  
臣從士，晉文傅物色，叵得潛龍淵，別離悵望孤鳳天，  
謾責鶴，罔祠前，曲舞姬靜唱，想夫憐，關門偽通羽客，  
苦險阻，備嘗艱難，步東奧，堪托七十城，阮塞無那百  
二，固秀衡老死，諸子疎，一旦啗利相，糾互骨肉，正屠  
夷狄，心仲氏，範賴亦聳懼，弗得不似杜郵，悲霸業，彼  
此豈延祚，聞道蝦夷祭，豫州蓋傳入，金領上游，英姿  
何往乎，不貴口，碑今仍思悠悠

竹林七賢歌

千畝琅玕七賢材，嗣宗青眼映林開，更求步兵氣壯  
哉，爛爛雙眼俗物來，阿戎名聲亦如雷，一從忘年作  
追陪，鬱如松柏擁寒梅，山濤識量期三台，論妻好勝  
買臣才，一朝選舉推龍媒，叔夜鳳姿自崔嵬，醉中往  
往玉山頽，青雲梯逼不登臺，自稱僕是慕蒿萊，劉伶  
鹿車此徘徊，一飲一斛卧莓苔，欺婦誓神復傾盃，秦  
漢費弊樂器摧，咸池韶濩莫謾催，阮咸心中何曾灰，  
謂說音律不全該，後獲周尺人散猜，子期談玄一世  
魁，深遠幽妙解人腮

寄葆光翁

倏忽過五日，不復弔靈均。千年競渡，雖多人豈有如下如。賈生遠巡，君稱葆光，予養拙，共得不為。天子臣。

納涼行

第三第四第五橋，紫氛紅塵蓋九條。兩涯青樓映鴨水，日夕絃歌下雲霄。吳娃鄭女揭裙步，公子王孫投鞭渡。紈扇羅帟逐流螢，瓊簪玉珥墮道路。道路喧喧百戲前，將妓攜童相周旋。貓王碩鼠成伉儷，神雞鸚

鵠習談玄，諸狙振袖舞應節。都盧翻竿，躡指天鼓鳴。楊墨走處，子長短微辭吐。皓齒願作織絃者，君顏願為小的中君。矢君去聯翩，何處遊自是娼家繁華裡。娼家綺筵枕水灘，沙場夜宴十日歡。皚皚白酒盛玉碗，灼灼朱李泛銀盤。天上牛女猶未會，酩酊屢垂結。縷帶桐柏曉風轉，解醒祗園鐘聲響雲外。

蹴鞠篇

七月七日藤家庭，碧松面面鞠園清。門下子弟皆豪族，堂中賓客維公卿。亞相徐步，毬一頡四隅，伴侶逸

發轂回旋斜移高柵裏一頰一頰奇偶生舉頭挺身  
毬隨脚滿庭盡是不耻盟烏帽紗衣遷延避彩袴革  
寫容與迎君不見飛鳥并術百蹋百蹴體愈平此日  
新裁衣金鸞金鸞飛動受風輕堂上堂下皆屬目贊  
歎不絕午鼓鳴由此黃門傾孔融賓伴絡繹觀復同  
難波流風奇且妙緩急弛張身如弓兩兩三三無高  
卑飛揚一鳴何爲雄觀者眩目不見毬須臾若隼下  
臂中堪盤僂游方壺地終日宛轉變無窮妖童閑習  
媚八員高僧追陪凌兩公聞說黃帝習兵勢兵勢由

來偏五戎如今承平彬文質打毬擊毬一驟驄好斯  
蹴鞠不乘危雍容間雅五禽通千秋不老仙家戲奚  
翅一朝矍鑠翁矧是王公諸權貴皆有婦人長深宮  
上天一旦儻不健爭纍騎龍攀蒼穹善哉平安繫華  
子暴貴立兩卿下風意氣揚揚不相屈薄暮歸去醉  
河東

昔嵐子勉贈吾昆季龍門詩畫亾何物故今茲  
戊午觀筆跡不堪感因賦寫情

二十年前子勉畫一幅龍門掛床頭惟昔文盟贈昆

李愬懃題詩盡風流昆季相傳彼物故如今想像淚  
不收雖相識深相交淺畫前嗒焉憶昔遊龍門絕特  
誰能至雲霧飛動咫尺浮驚目奪氣空筆跡奇哉淡  
墨含遐縑水氣凜凜上天落人生千歲望悠悠于勉  
天下多知己何爲鯉魚於吾求

白雲謠

白雲無盡世有變把盃送爾爾勿留此去可憐東土  
裏八駿况已極壯遊崑崙之歡瑤池宴贈言不播爾  
皇州

三日泛舟

三月三日幸無雨踏青幾處堪歌舞煙花風柳映晴  
川恰好輕舟縱一櫓欸乃斜過兩岸間中流平望五  
峰山田野修飾林泉色一樽酣暘吾等顏何知周聖  
曲水宴爭當晉賢山陰選藹藹疏圃兒女遊相顧相  
追轉婉婉凸凹長堤童駉羣喚呼距躍起塵氛從來  
鼎行興不少欲占桃源日已曛

浪華臺

豐王陳迹殘宏臺燕金趙壁俱成灰五雲曾從東方

照大風搖動海內，來浪華狹斜。今如此，販繒屠狗人，  
作市誰是豪傑相。訊問一片壯心空自起。

復仇行

伊藤兩男更短折，姊妹外孫爭其家。詛祝誰憶疾病，  
急無那蕭牆鬪內蛇。托孤良長不相傳，自是工藤深，  
怨嗟近江八幡密。稟命伏弩赤澤白，日斜祐親避矢，  
祐泰斃風雲晦。暝起塵沙河津之子，逐星霜云兄十，  
郎弟五郎初從母。育曾我氏，曾我清貧乏衣裳。鳩車  
竹馬報讎，戲吞聲撫膺幾斷腸。兄弟弱冠成美質，書

劍相兼，膂力強。時哉幕府苗，富麓扈從十萬跨。驕驕  
可憐憔悴雙疲馬，偽稱獵騎入獵場。夜雨暗襲祐經，  
壘卒伍沈睡不為防。獨易寢處備不意，有人不言指  
其方。直夾枕席共大喚，祐經驚寤不得追。將欲距躍  
左右當刀鞘，未脫遭兩斷。醉客狼狽謾狂呼，諸營蒼  
黃萬炬亂。凡竚柴垣逸擊勞，弟賣餘勇突公館。賴朝  
亦是祖父仇，須請一衣比吞炭。殺傷過當數百人，義  
氣不屈舉嗟歎。高名千載死，不朽芙蓉日月為誰讚。

寄清子裕

城邊清狂未辭官白筆抄書吏隱難門前軒冕過何羨  
山埜結交尋舊歡沈吟徹旦寒燈下避賢避聖只加餐  
不知春秋弄幾歲青眼須髯唇如丹却異宿處灑掃客  
後人誰爲有道看

寄米澤提學神保某借其題平洲先生韻聊賦

六藝兼呈泮宮諸子所賦叙閣堂館皆在米澤

城中

治國風猷不厭賓四方儒雅此安身鳳鸞堪集來章閣  
經藝文才自有神簪古堂中閱五禮青衿縫掖日

相親絃歌賜宴松櫻館頌恩贊德皆深翰上客獻酬  
有樂章明君坐作無竒玩聞令朴俗能尊者承惠頑  
民頻育兒文事胡爲勿武備矍相縱送不後知觀者  
如堵揚解入年年射御更時時駿足雙雙艱險路金  
轡彫鞍惡用施只得王造磬控妙自若馬上若無爲  
從動移靜臨池業二王筆力亦奚乏頡頏已往隸楷  
多書記簡牘灑乎浥堂堂曆數自天通度量嚴然守  
不窮可祝千乘興讓館長教國人仰城中

岱海堂文集初編卷之一

*[Faint bleed-through text from the reverse side of the page]*

岱海堂文集初編卷之二

越后 市島肅文敬季著

姪 處德大美輯校

五言律

四月十三日

昧爽香烟細，晏朝燈影微。庭花含露發，棲鳥動枝飛。  
慈惠無筇杖，賢明有斷機。北堂猶可侍，時月十年非。

二月廿九日

匹馬清晨路，先筌忘日哀。湖雲垂滄溟，山雨翳崔嵬。

漁側長洲止獵，依繚麓回蕭蕭。松柏下蒲伏獨徘徊。  
元昆金華在信州，其書屢到乃寄懷。

物候頻相謝，素秋催晚涼。更懷當日別，使厭往時長。  
信鯉書遙切，越鴻聲未央。愁知羈旅詠，月夜動他鄉。  
九月望夜，兄弟三人遊白雪樓，觀軸畫且主人  
仲氏賜不肖珍書一帙，因謝之。

樓上鴻歸暮，松間月出初。光明披畫軸，閑寂賜奇書。  
砌列杉樽酒，階傳髮膳魚。同遊知復幾，友愛歎離居。  
尋山寺

更爲尋山寺，微霜謝屐穿。碧蘿攀古木，白日泛寒煙。  
潭迫龍宮下，雲歸雁塔邊。時聞鐘磬響，誰不憶逃禪。  
和姪大美秋夜懷家翁在信州之作

荏苒長秋夜，寒燈尚未消。枯蓬風颯颯，落木雨蕭蕭。  
所憶應千里，不堪終一宵。鳴琴雖慰意，獨坐爲誰調。  
東郭樓集探題得月夜登樓

可憐今夜興，適得快晴秋。况復臨東郭，相逢上北樓。  
開窗星象近，入坐月暉流。却恠人間有，廣寒宮裡遊。  
海曲書情限先韻



難裁羈旅意懷舊鬱多年岳嶼晴觀舶柳塘春似烟  
溟鯤寧可化野鶴不堪憐只得攜漁父徘徊落日邊

安孫氏冬扇菴新成置酒乃賦呈主人素月兼  
寄息子融

小春新築會冬扇數間亭主似清風月客隨分野星  
圍棋閑且響置酒樂猶停自有阿戎在忘年眼轉青

早過逢阪

來往逢關路曙光瞻望清阪松花點綴湖月鳥縱橫  
結駟游何國敝裘侵幾城欲休祠宇下古咏切離情

冬夜獲鹿肉卽置酒坐有鄰醫雷牛書誹語因

賦以酬之

歲寒松柏質夜集一爐前刀割秦廷馬杯傾魏闕賢  
手談棋局改舌戰錦篇傳子謂勝良藥應知年齒全

冬夜諸子見訪

德星依故野賢哲訪新居岱海羞吾拙遊仙恨客疎  
寒花香暗逼曉月爽看舒自喜文章賜明朝照里間

與東閣先生唱和

相逢不相避唱和調逾高盃酒終身拙文章蓋世豪

煙霞憐我疾山水盡君操青玉良爲案忽酬金錯刀

漁邨

江邊一邨落閉戶委風沙日漾波濤晚秋闌蘆荻花  
路傍魚網密牆外買帆斜不問行吟去靈均勿強嗟

祇園春宴

春邃紅塵外雲煙散法臺柳絲陶客引花雨惠公裁  
方外迎籃輿池中渡酒杯請看西竺暖草樹擁香開

綠珠怨

靨色寧容易獨持金谷筵花中莫比類曲裡轉嬋娟

鉅室知鍾愛一房何不專誰思妾身少緩急在君前

登襲明閣

在浪華西本願別刹

高閣襲明名登臨四望晴煙霞蒸海島波浪動邊城  
淡路杯何去摩耶錫幾爭雲低鷗不見風聽二三聲

讀伊語

好是王孫麗深宮動陸沈同根含草詠外野感風吟  
親衛唯間雅中郎徒滯淫遙知東路上嶽雪妒朝簪

歲暮寄東郭翁

時月胡爲速三冬荏苒過避寒遊子少逐日市人多

道路傾風，傘江湖帶雪。寰不知東郭，復依舊獨蹉跎。

象棋

九九成方，罫金銀堅兩城。或知飛角，態時劣桂香輕。  
玉壘無龍馬，王宮有步兵。羸輸何處，決棋子轉縱橫。

除殘

詰朝奴婢裝，藍縷帶繩來。席卷傾家什，梁間深棟埃。  
忽投條帚下，尚秉拂塵回。天壤應如此，茅茨亦快哉。

題澤氏烏有菴

早知湖海趣，不深里中塵。竹樹圍亭古，草花沮徑新。

冥冥憐逸翮，潏潏愛瀆鱗。烏有非無謂，子虛誰復親。

送兄金華疾之信州二首

四月方微暖，輕肥指信州。風光千里旅，山水幾回休。  
草茂青氈富，花飛紅錦流。行行宜瘡疾，豈易畫圖求。  
離筵情更切，祖道忽相過。沿海沙場迥，經山城邑多。  
南方愁瘴癘，北地怯風波。佗日親兼戚，數言今若何。

中秋葆光樓分韻

寵靈何幸，在風雨遠。今宵天啟，烏聲起夜深。犬吠驕  
籠雲依嶺，鬱殘月映江。嬌擊柝丁東，響樓邊轉寂寥。

長夜獨寤

無端長夜夢一寤不還眠寒雨晴猶滴陰風去遠傳  
疎鐘高枕裏落木破窻前此際真淒絕鄰雞叫曉天  
吊飯信卿喪室

槩然誰復察獨坐鼓盆歌繁茂違松柏凋枯殉薜蘿  
煙隴雙裝鏡塵鬱一遺梭恍惚佳人夢中情近若何

戊午春正月會昆仲草野獻觴

今日教人悅草堂鄉里春風烟斑雪嶺雨澤滿江濱  
有酒甘如蜜顧厨聊乏鱗友于應自樂何必假他賓

春日念亡兒

死生雖有命蘇不至今春玩弄空懸涕香花轉愴神  
去年從汝沒一日見誰親爲告諸兒輩喧囂避四隣

送婦藤之京

不堪裝旅服昧爽婦人行踟躕辭鄉里彷徨指上京  
路備楊柳色關外雁鴻聲頻慰多年意風煙幾處晴

湖寺避暑

一逕三邊渚湖沙清靜哉客添玄燕入僧與白鷗回  
午睡無鳴磬晚游將渡杯毒龍何所屈碧浪帶風來

霜

春晚雪消丘西風葉落秋上林生白草巡道變青薜  
忽歿閨邊跡遙回塞上愁歲時催感去終可下人頭  
但馬交僧儀峯者送僧先歸越前

方外論文去風流惠遠才渡杯播海浪飛錫越山隈  
半偈交情盡離歌遺恨開遙知精舍上雲月待歸來

畫魚

道子圖鸚鵡潛魚亦寫真筆端開曲岸墨裏別青蘋  
橋下疑振尾波間少見鱗是雖莊與惠有未審沈淪

楊弓

可憐鄉射外閨裡有楊弓白羽眉眸下朱絃粉黛中  
眠貓驚鼓的飛燕遠簾攏未至車輪大能過紀氏工

岐岨道中

誰言蜀道難此峽亦何安危棧孤流激懸岳六月寒  
猿猴禽店下牛馬出雲端艱險岐岨驛遙令鹵簿寬

遊宇治

山川添洛秀然莫市朝喧丘壑榮祇樹煙嵐拂茗園  
昔餘廷侶咏今聽野翁言一扇芝花露猶含舊血痕

游新津秋葉山

秋葉新津上山祠畧遠州練搖吳會馬人泛越江舟  
瓢飲催高興壺餐助薄遊林巒下轎去歸路思悠悠  
迴文賦春夜宴

桃李散芳春晚雲風月新豪英列陸謝舊故厠雷陳  
高調歌轂逸秀篇奇夢神陶陶亦磊磊夜宴遠烟塵

早春聞虜變

春日雪逾消塵寰猶未鷲劍依多病捨文歷壯遊驕  
野樹添垣出山霞映瀆搖渺聞飛羽檄一夜見雲宵

寄安子融

間閭餘舊曆雨雪富清塵柳絮飛佗月梨花競早春  
北陰猶自若南地更惟新吹不禁鄒律陽和在幾人  
上池館燕集予在齋故闕席乃遙賦寄諸子

先考歸泉夕仲兄辭世朝雖違賢哲讌不忽簡書招  
壺洞玄冬入高流水夜調如何此時感鳴鶴切雲宵  
旅夜看月

鳴鴻和暮砧蟋蟀逼悲吟孤月當窓滿衆星側漢沈  
風生鳴密竹雲散落疎林頻發葦鱸興長宵動客心

伏日此君亭會業

清談風雅客共入此君亭碧麗臨池水涼陰拂戶庭  
孰知三伏興自使七賢停况復昇平世人人挾一經  
館腰

古壘館腰邊誰存二百年東南連遠嶽野徑限清川

林杪孤禽叫邨端匹練懸因憶上杉氏騎將幾人傳

拙廬與葆光翁分韻咏十日菊

躊躇東籬下猶憐十日花露霜枯葉縮風雨落英斜  
是為過佳節無由媚晚霞芳餐養生客留得一陶家

愛壽怨

二世全盛與金吾宴大礪東方千騎美北里一人非  
更失傾城色忽纏精舍衣雖因怨眾妬解脫倡門扉  
長門外城別業宴集得新字

外城川北宅卜築遠行塵移樹庭園古開筵障屏新

晚遊辭世俗秋興會鄉親况使清樽滿陶然賦咏頻

江樓懷鄉

曲曲千餘里江樓望遠哉邊風波浪躍洲渚荻蘆開  
孤雁通雲際雙魚寄水隈多年游子意未得一帆回

拙廬燕集分得諱字

春夜風騷會沈吟嚴不諱佳有依雪沒美酒代茶些  
開戶星辰滿擁爐賢哲斜可憐天壤裡樂地在吾家  
已未春二月卧疾逼祭期

春光遲僻地二月雪霏霏衾隙愁寒切爐邊特暖微  
何知旬日疾忽削十年肥追日迎親戚無妨著祭衣

恩田某館宴集余以疾故不到因賦謝同盟  
勿謂佯為疾纔裁杜責詩何唯羞雪片元自怯風吹  
春夜違芳席乾坤邈酒卮絃歌可相樂良會復誰期

伏日拙廬燕集讀山海經分韻得十灰

皆諳三伏熱岸幘自朝來野饌庖廚拙藏書山海開  
觀竒懷寶鼎促醉勸朱盃不有珍羞在坐談終日回

五言排律

獲孩猶子喜賦

新設一桑弧孩兒期丈夫安唯背上麓自是掌中珠  
靈沼生龜子仙園育鶴雛蟠堂應握印占壤欲探符  
細眼張微口短拳振小軀聲忘三月肉乳賜五年醕  
鼓鼻離媪腹攀膝控爹鬚匍匐俟春暖遨遊想歲徂



云為非所解視聽亦何迂不作羊家產孰知李氏蘇  
愛情無叱叱戲態有胡盧星野陪長者龍門馴大儒  
鳩車羞後御竹馬競前驅擲石扶甕溺題棋盡局圖  
願防楊墨輩遂入聖人徒

送行脚僧

雖非先聖法中國動相迎東漢鴻臚罷南梁蕭寺榮  
退之論彼穢憲帝失其明儻不妨王道無由攻佛名  
况修雲水業或作錫杯行忽忽過塵界悠悠向化城  
六通何地遠三昧幾天晴智度思摩詰家風慕守清

涉泥烏涂色笑月有振聲碧眼觀逾老赤髭將自生  
散花壇下滿積雪坐邊平豎指堪窮意舉拳難解情  
俄然超等列卓爾擢同盟講說鷄鶩聽負擔龍象征  
苾芻五叉美栢樹一庭英攜履歸西域傳衣迫上京  
禪廚鳩饌足隣閣鵲窠成去住須如此多遭世上輕

贈某道士

玉局神仙觀金庭道士宮福鄉人所羨靈境壽無窮  
羽服翩躚去腦經嘹亮通交梨花盡白火棗實全紅  
霞覆丹峒上氣蒸玄澗中逍遙遊廣莫跋涉步虛空

煮石隨清澗採芝歸舊叢死灰心已化槁木體應同  
綽約仍含露冷然能御風堪思周柱下誰是稱猶龍  
送東郭翁自水原遷加治

暮留東郭履朝出子雲廬嶽雪占斑白江流渡自如  
柳陰開社靜竹影掃庭疎離別孤琴絕逢迎一榻虛  
春深難寄雁秋近易通魚花月傳篇妙雲煙任筆舒  
夷吾雖失產鮑叔可安居早晚辭鄉國何門再曳裾

秋雨

風雲秋氣偏霖雨滿江河伯若雖相樂陰陽尚未和

四郊晝黥黠三徑夜滂沱寂寂無人訪哀哀有雁過  
坐深愁罔兩夢結視黿鼉逐日多農事明朝若野何  
送吉田某發水原遊佐渡復屬北陸西還攝州  
水原三月客往往慕花流心與溟鯤化身添蓬鶴遊  
萋萋帝王廟歷歷上人丘巖窟居偏怪金山路更幽  
歸帆臨故岸旅服掃邊樓自此知何處鴻書遞攝州

游網島

輕舟爲客出矚望浪華新海口隨潮水島中離市塵  
去留傾美酒乘醉採芳蘋沙細洲逾潔籬疎亭互隣

共觀傾國妓獨接此都人鱸膾鮮搖意尊羹滑動神  
風流非不樂比興豈當親逆旅秋分夜鄉關夢轉真  
浪華自東渠至住吉

故舊憐羈旅前渠泛小舟衣輕中夏末棹指直南絡  
忽忽離郭郭翩翩泝渚洲揭裳齊屬陸繫纜暫支流  
林簇龍鱗潤鳥連鰲背浮海魚觀不少田婦興偏周  
神廡無良御馬槽有紫騮官清五音和辭雅九歌收  
祭祀堪觀樂徘徊任去留好教千里客終日此忘憂

瓜

恰好朱陵種離離似玉田銀光朝露滑金彩晚暉鮮  
葉大頻相熟蔓長且互纏巡疇窺蒂落訪墅割香全  
蒼白雖殊質甘肥在有胙何唯期謫戍須是駐神仙  
最喜諸行脚枚枚腹果然

奉題邑管祠

何必拌邊邑靈祠昔日東井田頻得熟戶口轉無窮  
華表抽塵界金扁懸市中梅花芬艷艷松蓋鬱葱葱  
徑近三櫻冢林鄰二梵宮連章誰典雅獻畫胥精工  
北野天神下南流河伯通子孫如不惡聖助自相蒙

西近江道中

此地誰行李避喧春始通湖舟閑待客驛店寂存翁  
一日山轎少長途匹練空不堪青草乏轉蹈白沙豐  
漸至唐碕浦見孤松鬱葱

河伯橋

二月春光遍獨遊河伯橋澤流空嶽雪田畝漲江潮  
洲暖鷓相逼天青鷺隻搖回看可怡悅安步足逍遙  
蹈徑芳猶少沿陂片轉饒扁舟隨短棹古柳榮新條  
中島南聞犬水原東眷樵無由行訪若自贊爲誰驕

由京師至大阪舟中作

高瀨晚來舟追隨任急流野深人語盡樹暗狗聲幽  
伏水懸燈喚澗河回撓謳星兼魚眼落月凝客心浮  
興遍堪振筆笑偏將濕裘驚眠嘶驛馬慰寤近邊鷗  
歷覽移平坐雜談多卧遊暮雖辭洛土朝至霸王州

登東本願寺山門

山門高自塔攀上盡楷梯金佛安帷坐鐵羅張宇拏  
萬家如鋪畛里霧似封堤限郭人烟細添欄鳥道窶  
回翔身脫世眺望日傾西俄爾雲光沒暗然星象迷

因緣何處是幻變忽相睽非有歸依意強顏猶自淒

丙辰祀日

光陰如矢速歲月若江流十八三年喪四旬雙紀周  
燒香供潔酌剪燭獻清羞椿府連枝折萱堂窈窕幽  
嚴教從典籍貿易繼箕裘花萼雖悲散根株有所抽  
趨庭思昔日拜像祭春秋邈矣懸南嶺依然向北樓  
豈無童駭悔深入老成憂伯氏天山遂嫡孫墳墓修  
夙齡曾卧病老大故搔頭珺櫃寧誇客鉛刀幾割牛  
前途心業業後世意悠悠死已千秋志生存萬戶求

二班殊取捨兩馬事經遊白雪思王苑青雲限帝州  
時傾河朔席或放剡溪舟百貨歸廉賈千金比素侯  
聖門誰廢著俗物自綢繆雅訓應難化汚名不可留  
忠臣高節義孝子足風猷寶劍慙相屬彩衣何復休  
經穀祀壇響爐氣法筵浮伐木親朋麓采蘋婦女洲  
哺烏看歎息舐犢轉悲愁靈鑿胡爲遠人情猶未收  
籠烟含翠黛微雨濕松楸梅柳嬌新築櫻桃開古丘  
鴛鴦響匏土鴻雁奏篋篔陰使軒泉飲陽關種玉酌  
况知裁錦及必獲覆金甌竟去陶朱智遙遷卓氏籌

文章和帝貴，締紱越絲柔。四郭皆環肆，諸田盡滿篝。  
烏鳧生羽翼，竹馬送驂騑。敦朴縱無異，繁華莫效尤。  
非才當趙璧，有膽賭吳鉤。亂世寒脣齒，昇平乏髑髏。  
知音相遜讓，親戚共優游。今日先人食，孜孜揭臂鞬。

岱海堂文集初編卷之二

